

Inatsisartut suleriaasianni § 37, imm. 1 naapertorlugu, matumuuna Naalackersuisunut imaattunik apeqquiteqarpunga:

Naalackersuisunut apeqqutit:

1. Naalackersuisut ilisimtitsissutigisinnaavaat Kalaallit Nunaat kiap/kikkut pigigaat?
2. Nammineq uagut kalaallit pigarput oqartussaaffigalugulu qanoq iliornissamik aalajangiisinnaalluta Kunngeqarfik Danmark aqutigeqqaarnagu?
3. Uagut Kalaallit inatsisitigut naqissusikkamik kinaassuseqarpugut imaluunniit oqaasiinnartigut oqaannarluta “uanga kalaaliuvunga” taamatut kinaassuseqartitaavugut?
4. Inatsisitigut kinaassuseqarutta, suut piumasaqaataappat? Sumilu atuarneqarsinnaappat?
5. Qanoruna kalaallit uagut inissisimasugut - 100%-imik sumiinnerlunga paaserusuleqqavara, oqaluttoqarpormi Kunngeqarfiup ataaniikkatta qallunaajusugut, tassa kalaaliusugut qallunaanit pigineqartut - ilumoorpa qallunaajusugut?

(Inatsisartunut ilaasortaq Mette Arge-Hammeken, Naleraq)

Tunngavilersuutit:

Ullutsinni nunatsinni sakkortusiartuinnartumik ersarissumik oqaloqattaartoqarpoq “Kalaallit Nunaat kalaallit pigaat”, oqaluttoqarlunilu Kunngeqarfiup ataaniittugut. Paasiuminaatsoq takkuteqqittuaannarami marloqiusamik inuuneqartitaaneq misinnarsisarami nalunagu sulii nunarput nammineq tamakkiisumik pigilernikuunatigu, tassami sulii Danmarkip tigummimmatigut Kunngeqarfiup Danmarkip ataaniitsilluta taamaattuassalluni. Tamakkiisumik aalajangiisinnassuseqanngilagut Danmark avaqqullugu, amerlanertigut iliuuseqarsinnaatitaanataluunniit. Qanoq inissisimanersugut paaserusutsaqqavara.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.